

## Universitätsbibliothek Paderborn

### **Historiae Ecclesiasticae Pars ...**

HISTORIAE EC||CLESIASTICAE PARS || PRIMA, QVA CONTI-||NENTVR ||  
Eusebij cognomento Pamphili Cæsareæ Palæ-||stinæ Episcopi lib. 10.||  
Eiusdem de vita Constantini magni lib. 4.|| Oratio Constantini magni ad  
sanctoru[m] cœtu[m].|| Oratio eiusdem Eusebij in laudem Constanti-||ni  
magni ad trigesimum ...

**Christopherson, John**

**[Köln], 1569**

Quod temporibus eius luxta Prophetarum oracula deferunt principes qui  
atnea ex progenitorum succeßione Iudaeorum genti imperitabant, & quod  
Herodes ex peregrinis primus eorum rex fuerit. Capvt VI.

**urn:nbn:de:hbz:466:1-29861**

„ in Syriam aduentauit; quippe eò à Cæsare missus erat, ut  
 „ non modò genti illi ius diceret, vt præter opum cuius-  
 „ que & facultatum vt Censor æstimationem faceret. Ac  
 „ non multo post subiungit Iudas Gaulanites vir ex ciuita-  
 „ te cuius nomen erat Gamala, prognatus vnà cum Saddo  
 „ cho Pharisæo sibi in societatem ascito, populum ad defe-  
 „ ctionem sollicitare maturabat. Hi duo censum illum ni-  
 „ hil aliud, quām apertum seruitutis iugum eorum ceruici-  
 „ bus imposicurum afferebant. Proinde gentem eam ad li-  
 „ bertatis suæ propugnationem adhortabantur. In secun-  
 „ do item libro historiarum de bella Iudaico conscripta-  
 „ rum de eodem viro hæc præterea scribit. Interea tempo-  
 „ ris vir quidam nomine Iudas Galileus, regionis illius in-  
 „ digenas & habitatores ad defectionem impulit, illisque  
 „ admodum turpè esse dixit si Romanis tributum perfol-  
 „ uere sustinerent: & post obsequium, quod Deo præstare  
 „ deberent, mortalium etiam dominationi se subijcerent.  
 „ Hæc Iosephus.

*Quod temporibus eius Iuxta Prophetarum oracula deferunt prin-  
 cipes qui ante ex progenitorum successione Iudeorum genti impe-  
 ritabant, & quod Herodes ex peregrinis primus eorum rex fuerit.*

CAPVT VI.

E Odem tempore, cùm Herodes primus extero quo-  
 dam & peregrino genere ortus, Iudaicæ gentis re-  
 gnum obtinuisset, prædictio Prophetica per Moy-  
 sen antiquitus prolata, videbatur finē consecuta quæ ait.  
 Non deficit princeps de Iuda, neque dux de sacerdotibus  
 „ eius, donec veniat, cui regnum reseruatū sit: quem etiam  
 „ expectationem gentium fore commonstrat. Tantis per e-  
 „ nem prædictionis Mosaicę euenta minimè absoluta & per-  
 fecta sunt, dum sub principibus ex ea gente prognati  
 „ vitæ degendæ potestas esset: qui quidem initium impe-  
 rij altius ab ipso Moysè ductum capientes, vsq; ad Augu-  
 „ sti regnū durauerūt: sub cuius imperio Herodes primus  
 „ externæ gétis stirpe procreatus, Iudæū principatū à Ro-  
 manis adeptus est. Qui, vt tradit Iosephus, paternū genus  
 „ ex Idumæis, maternū aut ex Arabū familia ducebat. Verū  
 „ vt Aphricanus scriptor haud quaquā vulgaris, memorat

Gen. 49:1

B 2        sius

## EVSEBII HISTORIAE

eius genus, qui accurate peruestigant. Antipatro satum  
ferat. Hunc autem Herodis cuiusdam Ascalonitae filium  
fuisse, qui ex Aedituis (sic enim appellati sunt hi, qui tem-  
plo Apollinis inseruierunt) originem traxit. Qui quidem  
Antipater, cum adhuc puer esset, captus ab Idumæis latro-  
nibus, cum illis, quod reliquum erat vitæ, propterea tra-  
duxit, quod patri eius qui in magna egestate versabatur,  
ad eum redimendum nō satis suppeditabat pecuniæ. Ei ve-  
rò moribus illorum & vite institutis educato, posteà cum  
Hircano, summo Iudæorum sacerdote magna intercessit  
familiaritas. Huius filius erat Herodes ille, qui seruatoris  
nostræ tempore vixit. Cum igitur Iudæorum regnum ad  
Herodem, hominem peregrinum, tādem peruenisset, pro  
foribus iam aderat, secundum Prophetæ oraculum, gen-  
tium expectatio: Quippe ex illo tempore principes ac  
duces, qui successione ab ipso Moysè deriuata, Iudæo-  
rum potirentur imperio, deficere & prorsus euanescere  
videbantur. Nam ante illorum captiuitatem & demigra-  
tionem in Babylonem à Saule & Dauide exorsi, regum  
ditioni subiectebantur: ante reges autem magistratus, qui  
iudices nominati sunt, illorum rempub. procurabant: qui  
quidem proximè post Moysen, & eius successorem Ie-  
sum, regnum illorum capescere cœperunt. At postquam  
Babylone denuò in patriam reuertebantur, eam reipub.  
formam perpetuò tenuerunt, quæ erat partim optimatum  
partim paucorum prudentia & consilio gubernata. Sum-  
mi enim sacerdotes suminam rerum vsque eo administra-  
bant, quoad Pompeius Romanorum dux eo aduentans,  
*Iose.li.14*  
*cap.8. de*  
*antiq.* Hierusalem acri & violenta obsidione expugnasset, atq;  
ad templi adita progressus, res sacras nefario scelere pol-  
luisset. Eum vero, qui auita successione rex simul & sum-  
mus sacerdos ad id temporis perseuerasset (cui nomen  
erat Aristobulus) vitculis constrictum vna cum liberis  
Romam misit, atque Hyrcano eius fratri summi sacerdo-  
tij munus tradidit. Post illud tempus vniuersa Iudæorum  
gens facta est Romanis vectigalis. At non longo interual-  
lo intericto, cum Hyrcanus (in quem ultimum summo-  
rum sacerdotum erat deuoluta successio) à Parthis capti-  
vus ducebatur, primus, vt suprà dixi, Herodes externa  
stirpe

stirpe editus, Iudaicæ gentis imperium Senatus Romani  
 & Augusti imperatoris auctoritate obtinuit. Cuius tem-  
 poribus cum Christi aduentus euidenter & pro certo in-  
 staret, salus etiam gentium, quæ tam diu expectabatur, ex-  
 pleta est, earundemque vocatio, iuxta prophetarum ora-  
 cula mature insecuta. Ex quo quidem tempore simul ac  
 principes & duces ex Iuda, hoc est, ex Iudæorum familia  
 ac gente prognati, rempub. illam regere desistebant, se-  
 ries etiam summi sacerdotij, quod secundum generis pro-  
 pinquitatem, & auitam successionem rato ac certo ordi-  
 ne solebat cuiq; deferri, extemplo confusione quadam,  
 neque id sine causa, labefactata est. Quarum rerū testem  
 locupletem habes Iosephum qui narrat, Herodem cum à  
 Romanis esset regno donatus, non amplius pontifices &  
 summos sacerdotes ex antiquo creauisse genere, sed abie-  
 citis quibusdam & ignobilibus illum honoris gradum de-  
 tulisse. Eandem item rationem in designandis summis fa-  
 cerdotibus Archelaum filium eius, & Romanos etiam,  
 qui post illum Iudæorum regnum adepti sunt, cum He-  
 rode obseruasse. Id est scriptor porrò declarat, Herodem *Iose. li. 15*  
 primum sacram summi sacerdotis stolam priuatim apud *cap. 14.*  
 se tenuisse proprio sigillo occlusam: & summis sacerdo- *antiq.*  
 tibus deinceps illius apud se retinendæ potestatem non  
 omnino permisisse. Idemq; eo mortuo fecisse Archelaū,  
 reliquosq; Romanos. Atque ista sint à nobis explicata,  
 ad declarationem alterius prophetiæ quæ in seruatoris  
 nostri Iesu Christi aduentu plenè completa fuit. Nume-  
 rum vero septimanarū, quæ usque ad Christi imperiū cō-  
 siderentur (de quibus alio loco vberius differuimus) pro-  
 phetica Danielis oratio apertè est & nominatim cōplexa.  
 Quibus tandem ad exitum perductis, Iudeorum Chrisma  
 abolendū fore prædictit propheta. Atq; istud planè tem-  
 pore illo, quo Seruator noster Christus in hanc lucē edi-  
 tus est, perfectum & absolutum esse constat. Hæc igitur  
 ad temporum veritatem cumprobandam, sint à nobis ne-  
 cessario obseruata.